

# Uneranza a Christine y Martin

Nstadi iel stat la senteda generela dla Grupa da Bal Sëlva/S. Cristina

Lies - N venerdì sèira ai 15 de jené se à duc i cumèmbri dla lia ancuntà tla pitla sala de Chemun a S. Cristina per la senteda generela. Do che l presidènt Andreas Comploi a saludà duc iel unì liet dant l program dl ann passà y nce chël dl 2010, drèt rich y spès de manifestazions per nosta grupa. La

prima ie bele stata n mierculdi ai 20 de jené tla Cèsa de Cultura te Sëlva, l proscimo bal sarà bele ai prims de fauré. Martin Zingerle, te si funzion da maester de bal y cassier, à purtà dant n valgun ponc che à da n fé cun la proes y ulache la grupa possa mo miuré. Da si pert iel unì liet ju l liber dla cassa. Da dedò ti àl

sëurandat la ncèria da cassier ala scrivana Christine Delazer de Sëlva.

Tla segonda pert dla sèira iel unì unerà i cumèmbri plu lezitènc ntan l ann y tlo à Christine Delazer per l'èiles y Martin Zingerle per i èi pudù piè do n pitl pest. La veles dl cunsèi che ie unì doi ani sarà permò inò tl 2011. Nuef pra la grupa àn pudù

saludé n chëla sèira Simon Stuffer, che ie permò da puech cumèmbri, coche nce Angelica Ciuffreda. Na gran lauda da pert de duc ti ie sambèn jita al sunadèur dla grupa Diego Coleselli de Corvara. Dan passé a zeche de bon da beber y da maiè àn mo pruietà n valgun de bie mumènc sun parèi, dantaldut la

truepa bela fotografies de Calella tla Spania ntan l viac che la grupa à fat de setèmber. Chèsta bela fotografies ie sambèn da udèi tla plata internet dla grupa [www.volkstanzgruppe.org](http://www.volkstanzgruppe.org)

*Per la Grupa da Bal,  
Andreas Delago*



*La Grupa da Bal Sëlva/S. Cristina.*